

SUB: BODO
CODE: 092
2020-21
CLASS-X

Part- A: Objective type MCQ Paper

खोन्दो -क

सुंथाबै सौंनाय

सौंथि नं.		नुजायै खोन्दो (Unseen Comprehension)	थिखानाय नम्बर (10)
सौंथि नं.	1	गाहायाव होनाय खोन्दोखौ मोजाडै फराय आरो सौंनायफोरनि फिन सायख' :	5x1=5
		<p>बर' हारिया गोदो गोदायनिफ्रायनो शिवखौ बाथौ महरै अरायबो सिबिबोदोंमोन आरो दासिमबो सिबिगासिनो दं । हिन्दु धोरोमावबो शिवखौ सिबिनाय खान्थि दं गोहोनि मोदाइ महरै । नाथाय सिगाडाव आर्य हिन्दुफ्रा सिबियामोन । मंगलियान एबा किरात फोरजों हारिमुनि सोलाय सोल' जानायाव बिसोर शिवखौ गोहोनि बिगोमा महरै सिबिनोहमो । मंगलियान बर'फोरनि देरसिन मोदाइ शिवखौ आर्य हारिफोरा उनाव शक्ति महरै नाजावनानै लानाया बर'हारिनि आर्य हारिमुनि सायाव गोहोम गोग्लैनायनि जाहोन । दानाय-लुनाय, मोसानाय, मेथाइखननाय, मोदाइ-दावदाइ सिबिनायाव जेरै बर'नि हारिमुवा आर्य हारिमुवाव गोहोम गोग्लैदों बिदिनो जानाय लौनायावबो बर'नि आसार खान्थिया गोग्लैदों । मायथाइनिफ्राय मायथाइ, मुगानिफ्राय मुगा सोरजिनि बे दुलाराय भारत हाददाव जायखौ बुंनाय जादों भारतबर्ष अन्तदेश । शिष्टाचाररहितकामरुपाम्लेशदेशहोननानै । बे म्लेशदेशनि रैरुब हायाव आलो आलो राइजो जाबोनाय किरातफोरजों बेसेबा गोबाव बर'फोरनि अननायाव थादेरबोनाय आर्य हारिनि जानाय-लौनायावबो गोबाडैनो बर'नि खान्थिया गोग्लैदों ।</p>	
क.		<p>हिन्दु धोरोमाव शिवखौ मा महरै सिबियो?</p> <p>i. बाथौ महरै</p> <p>ii. गोहोनि मोदाइ महरै</p> <p>iii. हारिमुनि मोदाइ महरै</p>	1
ख.		<p>मंगलियानफोरखौ मा मुंजों मिथिबावो?</p> <p>i. हिन्दु</p> <p>ii. किरात</p> <p>iii. बर'</p>	1
ग.		गाहायनि बबे मोनसेया बर' हारिनि आर्य हारिमुनि सायाव गोहोम गोग्लैनायनि जाहोन?	1

	i. शिवखौ आर्यफोरा शक्ति महरै नाजावनाया ii. शिवखौ आर्यफोरा बाथौ महरै सिबिनाया iii. शिवखौ आर्यफोरा मुगैनाया	
घ.	गाहायनि बबे मोनसेया आर्य हारिमुवाव बर' हारिमुनि गोहोम नडा? i. आलासि सिबिनाय ii. दानाय-लुनाय iii. जानाय-लौनाय	1
ङ	म्लेस देश होनना माया मिथि जायोमोन? i. भारतबर्ष ii. कामरुप iii. प्रगज्योतिषपुर	1
	एबा	
	गाहायाव होनाय खोन्दोखौ मोजाडै फराय आरो सौनायफोरनि फिन सायख' :	5x1=5
	उपेन्द्र चन्द्र गुह'नि बादियैब्ला बर'फोरा कच हारिनि मानसिफोरखौ खुंसा बुंनायमोन । बिसोर नाथाय जायगाखौ खुसपुर बुंनायमोन । उनाव खुसपुरनिफ्राय खासपुर जाबोदौ होननानै बिथाडा बुंदौ । बिथानि बादिब्ला गोदो खासपुराव कचफोर दंमोन । जायखि जाया मानो एसेबां गोखौ आरो गोमोथाव कारुकार्य गोनां राजथावनि खासपुरखौबो सुथुरफोरनि गले गले उदखाराव थावरिनो हायैलाय राजा गबिन्द चन्द्रवा गारनानै सिरि सिरि हरिटिकर मुंनि दाबसे जायगायाव खारखोमालाडो । बेवहायनो बियो गायसनहैयो गोदान राजथावनि । हरिटिकरा दरसे फिसा गामिसो । बे जायगानिफ्राय बारा गोजान नडा बराक दैया । बेनो बोहैलानानै उनाव दौनै जाहैदौ । दौसे याकुसियारा, सेयासुरमा । सोरगिदिं गाहाय गोजौ हाजो थिला । सोमखोर सोमखोर हाग्रा बेन्दौ-बेनला । हाजो सेर सेर गौ गौ, अरं गेजेर गेजेर खोल खोल जिर जिर दै बोहैनाय, रिनदाव रिनसि दाउमा-दाउसा मेथाइ खननाय । सान हर मोसा लरखा सोगोमनाय। बेवहाय नुनो मोनो खोलो खोलो बार बारनायजौ देमग्लाय देमसि बंफां लाइफां मोसानाय।	
क.	सोरनि बादिब्ला बर'फोरा कच हारिनि मानसिफोरखौ खुंसा बुंनायमोन? i. राजा गबिन्द चन्द्रनि ii. उपेन्द्र चन्द्र गुह'नि iii. सुथुरफोरनि	1
ख	सोरखौ खुंसा होनना बुडोमोन? i. बर'फोरखौ ii. कचफोरखौ iii. गबिन्द चन्द्रखौ	1
ग.	खासपुरा मामोन? i. गामि	1

		ii. नोगोर iii. राजथावनि	
	घ.	सुथुरनि उदखारखौ थावरिनो हायैनि गबिन्द चन्द्रवा बबेयाव खारखोमा लांदोमोन? i. खासपुर ii. बराक iii. हरिटिकर	1
	ङ.	फरा खोन्दोआव बराक सोदोबामाखौ फोरमायदों? i. गंसेगामि ii. राजानि राजथावनि iii. गंसेदैमा	1
सौथि नं.	2	गाहायाव होनाय खोन्दोखौ मोजाडै फराय आरो सौनायफोरनि फिन सायख' :	5x1=5
		नारखो बुदांनि फोलेरानो फ्राजुथैसापुरी राइजोनि खर'सा हारि एबा खर'सा-गिबि (सिगां हारिमोन। खर'सा हारिखौ उनाव बुरञ्जी पण्डितफ्रा माबा किराट होननानै बुंदों । खर'साबे सोदोबनि सोदोबथिखौ आख्रान दरखान नागिरब्लाबो दिहुननो हायैलाय आरो बेयो मारावनि सोदोब हमनो हायैलाय बे सोदोबखौ बिसोर किराट, किराटिच, किराटा बायदिसिना बुंदों । बे जुगावनो मोगथांपुरीयाव बयनिख्रुइ माइजासिनग्रा दरसे जायगा दंमोन । बे जायगाखौ माइमोनसिनग्रा होननानै बुंनाय मोन । बे राजानि आमोलावनो मोगथांपुरीयाव राइजो-राजा, जाम्बा-जाम्बि बयबो रंजाग्रा थिलिफोरबो दंसोगारोमोन । रंजाग्रा थिलिखौ बिसोरो रंजापुरी होननानै बुंनायमोन । बे रंजापुरीफोरखौ दामाबारंपुर होननानै बुडो । दानि बांलाहादतनि रंपुर आरो आसामनि शिवसागर जिल्लानि रंपुरमोननै रंजाग्रा थावनिया बयनिख्रुइ देरसिनथारमोन।	
	क	खर' साहारि सोदोबजों सोरखौ फोरमायदों? i. नारखोबुदांखौ ii. गिबिहारिखौ iii. फ्राजुथैसापुरीखौ	1
	ख	आख्रान-दरखान सोदोबनि ओंथिया- i. सा-साज्रां ii. खुरखाव-खुरसि iii. हाथा-हारमा	1
	ग.	रंपुरा बबे बबे जायगायाव थानायनि बाथ्रा फरायाव रायखांदों? i. फ्राजुथैसापुरी आरो रंजापुरीयाव ii. फ्रजुथैसापुरी आरो शिवसागराव iii. बांलाहादत आरो शिवसागराव	1

घ.	किराट होननानै उनावहाय सोरखौ मिथिनाय जायो? i. फ्राजुथैसापुरीखौ ii. खर'सा हरिखौ iii. रंपुरखौ	1
ड.	खर'सा सोदोबनिफ्राय गाहायनि मा सोदोबा जोनोम मोनाखै? i. रंपुर ii. किराटा iii. किराटिच	1
	एबा	
	गाहायाव होनाय खोन्दोखौ मोजाडै फराय आरो सौनायफोरनि फिन सायख' :	5x1=5
	<p>आखलानो जादों गोजौवाव गाखोनायनि गोनां जांखला । दोहोन था, रांखाउरि था, बेफोर जेबो नडा-आखला मोजां नडाब्ला । आखल मोजां नडाब्ला बिमा-बिफानिफ्राय मोननाय नायख'नो हायि जाख'नो हायि दोहोनाआबो साननैसोजोंनो जोबलाडो । बेनि नेसौन नांगौब्ला संसाराव नागिरब्लानो गोबां मोनो । मानसिया आखलआवनो बायदिसिना दायव गोम्लैयो । दायनिफ्राय बारग'नो दोहोन फाननाडो । सोरबाबा आखल गाज्जिनि थाखायनो दोहोन थासेयावबो जानो रोडा, दोहोन फानजोबनानै लानानै लामानि मागिग्रा जानाडो । बेनिखायनो बुंनाय जायो- सोरहाबा रां गोमादौब्ला जेबो गोमायाखै, मुसि गोमादौब्ला एसे माबा गोमाबाय आरो आखल गोमाबायब्ला गासिबो गोमाजोबबाय । मानोना आखलआनो जादों जेनिबो गुदि, मोजां आखलआनो राहानि गुदि । आखलआवनो बान्था, आखलावनो जुथा । आखल मोजांब्ला मानसिया अनजायो, बारगायजायो, एसे, एनै दायफोरनिफ्रायबो बारगयो, नाथाय आखल गाज्जिब्ला जेरावबो बुजाबायो । आथिंनि सौथुनायाव गाव दुखुमोनो, आखलनि सौथुनायाव नाथाय खैफोद सौफैयो । आखलआनो जादों मुंनि मुकुता । राजा राणीया समायना जायो मुकुतजों, मानसिया समायना जायो आखलजों ।</p> <p>बेखायनो जों आखल दानानै लानो नाजानाया गोनां बाथा । गोसो गोथौ मानसिफोरा बुडो बिजाबनि थांखिया जादों गावखौ गाव गोरों-गोरा खालामनायनि लोगो लोगो आखल दानाय । बिजाबआव मोननाय मोजां बोसोनफोरखौ लानानै गाव गावनि गोरोन्थिफोरखौ, गाज्जि हुदाफोरखौ ज़ाब गारनांगौ । आखल मोजां नडाब्ला लेखा रौब्लाबो मान मोना, गिदिर अफिसारआबो सिबिजाया ।</p>	
क	गोजौवाव गाखोनायनि गोनां जांखलाया मा ? i. दोहोन ii. आखल iii. मुकुता	
ख	आखलआवनो बान्था, आखलावनो ----- । i. मुकुता ii. दोहोन iii. जुथा	
ग	मानसिनि जिउआव खैफोदा माबोरै सौफैयो ? i. आखलनि सौथुनायाव	

		ii. आथिनि सौथुनायाव iii. दोहोननि सौथुनायाव	
	घ	गोसो गोथौ मानसिफोरानि बादिब्ला माबे मानसिखौ गोरों-गोरा खालामो ? i. आखल ii. बिजाब iii. मुंनि मुकुता	
	ङ	आखल मोजां नडाब्ला लेखा रौब्लाबो मा मोना? i. दोहोन ii. मान iii. निमाहा	
		रावखान्थि	थिखानाय नम्बर (16)
सौथि नं.	3	गाहायाव होनाय सौथिफोरनि जायखि जाया मोनब्रैनि थार फिननायखौ सायख':	4x1=4
	क.	गाहायनि बबे गलाय थाइजा सायख' ? i. माव ii. दाजा iii. जाफै	1
	ख.	गाहायाव होनाय जथाइ सोदोबफोरनि बबे मोनसेया मोनसे मुंमा आरो मोनसे थाइजानि जथाइजौं दाजानाय नडा? i. लाइजौ ii. हासिब iii. आफाखर	1
	ग.	गाहायनि बबे मोनसेया जथाय थाइजा सोदोब सायख ? i. गेसेव ii. जोगार iii. बिजिर	1
	घ.	गाहायाव होनाय फोरनि बबे मोनसेया से मावजाग्रा गोनां थाइजा सायख' ? i. बिमाया फिसानो ओंखाम दौदों। ii. रुवाथिया हासिबजौं सिथला सिबदों। iii. दाहोनाया हाल एवदों।	1

	ड.	बर' रावाव थाइजार्जो दाजाबजानाय दाजाबदाफोरा जाबाय? i. सिगां दाजाबदा आरो गेजेर दाजाबदा ii. गेजेर दाजाबदा आरो उन दाजाबदा iii. सिगां दाजाबदा आरो उन दाजाबदा	1
सौथि नं.	4	गाहायाव होनाय सौथिफोरनि जायखि जाया मोनब्रैनि थार फिननायखौ सायख':	4x1=4
	क	गाहायाव होनायफोरनि बबे मोनसेया थावनि दिन्थिग्रा मुंराइ सायख' ? i. नौनाव ii. बैयाव iii. सोरबा	1
	ख	गाव दिन्थिग्रा मुंराइखौ फोरमायनो बर' रावाव मोनबेसे सोदोब दं? i. मोनसे ii. मोननै iii. मोनथाम	1
	ग	मुंराइखौ सानरायनि बिथिनिफ्राय मोनबेसे बाहागोआव मोननो हायो ? i. मोनसे ii. मोननै iii. मोनथाम	1
	घ	गाहायनि बबे थि दिनथियै मुंराय सायख' ? i. खायसे ii. मा iii. नौथांमोन	1
	ड	गाहायनि बबे मुंराइ सायख' ? i. फोर ii. नौ iii. मोन	1
सौथि नं.	5	गाहायाव होनाय सौथिफोरनि जायखि जाया मोनब्रैनि थार फिननायखौ सायख':	4x1=4
	क	गाहायाव होनाय फोरनि बबे दाजाबदाया इयुन बिदिन्था फोरमायग्रा दाजाबदा सायख' ? i. -दौ ii. -बाय iii. -गोन	1
	ख	गाहायनि बबे मोनसे दाजाबदाया अराय जाफु बिदिन्था फोरमायग्रा दाजाबदा सायख' ? i. -ओ ii. -गौमोन iii. -मोन	1

	ग	कमल कुमार ब्रह्मआ बिदिन्थाखौ मोनबेसे बाहागोआव बाहागो रानलांदों? i. मोननै ii. मोनथाम iii. मोनब्रै	1
	घ	जाफु बिदिन्थाखौ मोनबेसे बाहागोआव बोखाव बावनाय जादों? i. मोननै ii. मोनब्रै iii. मोनद'	1
	ङ	कमल कुमार ब्रह्मआ जाखां बिदिन्थाखौ मोनबेसे बाहागोआव बाहागो रानलांदों? i. मोननै ii. मोनथाम iii. मोनब्रै	1
सौंथि नं.	6	गाहायाव होनाय सौंथिफोरनि जायखि जाया मोनब्रैनि थार फिननायखौ सायख':	4x1=4
	क	उरां-फारां बाथा खोन्दोबनि औंथिया- i. जेरै मोनो एरै ii. दलद थानो रोडै iii. गोदाव सोराव	1
	ख	सांग्रां-माग्रां बाथा खोन्दोबनि औंथिया- i. गोसो मोदोमै ii. मिथिया हसिया iii. लाजिहां गिहां	1
	ग	गाहायाव होनाय सोदोबफोरनि बबे मोनसेखौ हा (soil) सोदोबजों दाजाबनानै गेबें सोदोबमोना सायख'?: i. खर ii. दान iii. सुं	1
	घ	गाहायाव होनाय सोदोबफोरनि बबे मोनसेया फोलेर दिन्थिग्रा मुंमा नडा? i. हाजो ii. दैमा iii. बुरलुंबुथुर	1
	ङ	गाहायाव होनायफोरनि बबे मोनसेया ज'रा सोदोब सायख'?: i. गामि-गामि ii. हाजो-हायेन iii. हायेन-अर्रां	1

		फरा -बिजाब	थिखानाय नम्बर (14)
सौंथि नं.	7	गाहायाव होनाय सौंथिफोरनि जायखि जाया मोनबानि थार फिननायखौ सायख':	5x1=5
	क	गुरुदेब कालिचरण ब्रह्मआ बबेयाव जोनोम जादोमोन? i. बंसीजरायाव ii. बैनागुरियाव iii. टिपकाइकाजि गामियाव	
	ख	बर'कसारि सल' बिजाबखौ सोर सुजुदोमोन? i. सुकुमार बसुमतारि ii. महिनी म'हन ब्रह्म iii. मदाराम ब्रह्म	
	ग	'बर' साधु' बिजाबखौ सोर सुजुदोमोन? i. इन्द्रमालती नारजारी ii. रुपनाथ ब्रह्म iii. बिरेन दास बर	
	घ	गुरुदेब कालिचरण ब्रह्मआ माब्ला जोनोम जादोमोन? i. 1862 इंराजी मायथाइयाव ii. 1861 इंराजी मायथाइयाव iii. 1860 इंराजी मायथाइयाव	
	ङ	बर'कसारि सल' बिजाबखौ माब्ला सुजुदोमोन? i. 1977 ii. 1962 iii. 1972	
	च	'बर' साधु' बिजाबखौ सोर माब्ला सुजुदोमोन? i. 1962 ii. 1972 iii. 1977	
सौंथि नं.	7	गाहायाव होनाय खन्थाय खोन्दोखौ मोजाडै फराय आरो सौंनायफोरनि फिन सायख' :	4x1=4
		बे आंनि थेर बेथेर जालांनाय जिउखौ बे आंनि लाथिख जालांनाय जिउखौ गोदानै सुजुनो होननोनै आबुं खालामनो होननानै नोंखोनो अनसायदो आफा नोंखोनो हास्थायदो । गोरलैयै हमदां हागोन होननाया गोरलैयै मोनदांमोनगोन होननाया दिनै माथो गोजानसिन जाखो आफा	

		<p>दिनै माथो आनजाय लांसिनखो । आंबो सिमानजायो आफा नोंखौ मोजां मोननो होननानै समाय लानाया दाबोनो जाफुं जोबाखै, आंनि बेरेखा फावआ गोसोनिफ्राय दाबोनो बारलाडाखै । थेवबो बे दुखुथिया जिउआ जेनिबो गेजेन गोसोनि गेजेरजां नोंनि अननाय लुबैयो गसाय नोंनि अननाय लुबैयो..</p>	
क	<p>आफा सोदोबजां सोरखौ बुंनाय जादों ? i. गावनि असे बिफाखौ ii. अबं गसायखौ iii. सुबुं माहारिखौ</p>	1	
ख	<p>खन्थायगिरिया मा समाय लानाय खोथा बेरखांदों ? i. मोजां मोननो होननाय ii. गोजान जानो होननाय iii. सिमान जानो होननाय</p>	1	
ग	<p>खन्थायगिरिया गोसोनिफ्राय मा फाव बारलाडाखै होनना बुंदों ? i. मोजां मोननाय ii. सिमान जानाय iii. बेरेखा</p>	1	
घ	<p>खन्थायगिरिया खन्थायाव नोंनि होनना सोरखौ बुंदों ? i. गावनि असे बिफाखौ ii. गसायखौ iii. दुखुथिया जिउखौ</p>	1	
सौंथि नं.	8	<p>गाहायाव होनाय रायथाइ खोन्दोखौ मोजाडै फराय आरो सौंनायफोरनि फिन सायख' :</p>	5x1=5
		<p>1928 मायथायाव ब्रिटिस सरकारा भारतनि खुंथाइ खान्थिखौ फोसाबनो थाखाय मोनसे कमिसन दैथाय हरो । कमिसननि आफादगिरिया साइमन साहाब होननानै बेखौ बुंदोंमोन साइमन कमिसन । बेखौ खोनानै गुरुदेब कालिचरणा मोनसे खाबु लानो साननायसै । तिताबराव मोनसे गिदिर जथुम्मा खुंनो लाहार फाहार खालामनाय जानायसै । बे गिदिर जथुम्मायाव थांखि लानाय जानायसै साइमन कमिसननो बर' एबा जनजातिफोरनि जौगानायनि थाखाय गांसे गोसोखां बिलाइ होनो । जेरै सानदों एरै हाबा । बे समाव हेथाया जाबाय गोसोखां बिलाइखौ इराजी रावजां लिरनो बर'फोरनि गेजेराव रावबो गैया । बेनिखायनो धुबुरीनि उकिल चक्रवर्तीखौ खावलायनाय जायो । नाथाय बिथाडा लिरनो राजि जाया । गोसो बायहोनायसो खालामबाय । राहा मोनिलाइ गियासुददिन उकिलनि खाथियाव</p>	

	<p>साफिबाय गुरुदेबा । बिथानि खावलायनायाव गियासुद्दिना लिरनायसै गांसे मोजां गोसोखां बिलाइ इंराजीनि । जेरै गुरुदेबा बुंदों एरै बान होनानै लिरबाय । बे गोसोखां बिलाइयानो बर' एबा जनजातिनि रैखागिरि । बेवहाय लिरदोंमोन माखासे बान गोनां दाबि । जेरै- (i) census आव बर'फोरनि थख' column (ii) Assembly आरो local board- फोराव जनजातिनि थाखाय मासि सरैखा (seat reservation) (iii) क'कराझार नडाब्ला हलतुगामियाव ग'वालपारा जिलानि मोनसे महकुमा दानाय । (iv) बर'फोरनि गेजेराव गोबां प्राइमारी आरो इम. इ., एम. भि. फरायसालि गायसननाय । बे समाव ग'वालपारा जिलाखौ बेंगलजों दाजाबनायनि मोनसे गोख्रों दाबि दैखांदोंमोन माखासे सोलो गोरों सैथान मानसिफोरा । गुरुदेबा बुंबाय बे जानो हाया । ग'वालपारा जिलाया आसामनि । बेयो जेब्लाबो आसामजों थागोन । बेंगलजों दाजाबफानायनि जेबो बानगोनां गैया । बे दाबिफोरखौ गुरुदेबा गोसोखां बिलाइयाव सोजोब होनायसै । आरोबाव मोनसे गिदिर दाबिया जादों 1919 मायथाइयाव गर्खा रेजिमेन्ट दानाय । बे रेजिमेन्टआव दं नेपाली आरो मेसि अदेबानि बर'फोर । $\frac{3}{4}$ बाहागोआनो बर' सिपाइ । बेनिखायनो गुरुदेबा दाबि खालामदोंमोन बर' रेजिमेन्ट खुलिनांगौ होनानाँ ।</p>	
क	<p>बबे जथुम्मायाव साइमन कमिसननो बर' एबा जनजातिफोरनि जौगानायनि थाखाय गांसे गोसोखां बिलाइ होनो थांखि लानाय जादोंमोन ?</p> <p>i. ग'वालपारा ii. क'कराझार iii. तिताबर</p>	1
ख	<p>जनजातिफोरना सोरनो थांखिना गोसोखां बिलाइ लिरदोंमोन ?</p> <p>i. उकिल चक्रवर्ती ii. उकिल गियासुद्दिन iii. साइमन कमिसन</p>	1
ग	<p>सोर इंराजी रावजों गोसोखां बिलाइखौ लिरदोंमोन ?</p> <p>i. गुरुदेब ii. उकिल चक्रवर्ती iii. उकिल गियासुद्दिन</p>	1
घ	<p>सोर ग'वालपारा जिलाखौ बेंगलजों दाजाबनायनि गोख्रों दाबि दैखांदोंमोन ?</p> <p>i. गुरुदेबा ii. साइमन कमिसना iii. सोलो गोरों सैथान मानसिफोरा</p>	1
ङ	<p>गर्खा रेजिमेन्टआव मा हारिनि मानसि बांसिन दंमोन ?</p>	1

		i. बर' ii. नेपाली iii. बँगलि	
सौथि नं.	9	गाहायाव होनाय रायथाइ खोन्दोखौ मोजाडै फराय आरो सौनायफोरनि फिन सायख' :	5x1=5
		<p>बर'फोरा जाबाय गावनि गोख्रौ सामाजारि राहा, राव-थुनलाइ, दोहोरोम आरो गरेमसा हारिमु थानाय मोनसे माहारि । बर'फोरा सा-सानजा भारतनि गोजाम सुबुं हान्जा । सार एडवार्ड गेइटनि बादिब्ला आसाम आरो सा-सोनाब बंगआव बर'फोरनि गुवार राज्यो दडमोन । (History of Assam, chapter X. page 248)</p> <p>बुनो थाडोब्ला बड' (बर') सोदोबा गुवार ओथियाव समानहान्जानि गुबुन गुबुन सुबुंनि ज'थाइ । बिसोरखौ सा- सानजा बंग, गवालपारा जिलायाव 'मेच' आरो नेपालाव 'मेचे' महरै मिथिनाय जायो । बर'फोरखौ आसामनि गुबुन गुबुन जायगायाव गोसारना थानायखौ नुनो मोनो । बिदिनो बड' रोदानि – स'न'वाल कछारी, चुतिया, देवरि, लालुं, राभा, गार, हाजं आरो त्रिपुरी सुबुंफोरा लक्षिमपुर, तिनिसुकीया, डिब्रुगर, शिबसागर आरि गुबुन गुबुन जायगायाव रायजो जानाय नुनो मोनो । कार्बि आलं आरो डिमा हासाव जिलायाव थानाय डिमासा कछारीफोरा गेदेमा बड' हान्जानिनो मोनसे दालाय । आसामनि गुबुन गुबुन जायगायाव रायजो जाना थानाय क'च राजबंशीफोरजौ लोगोसे त्रिपुरा आरो बांलादेशाव थानाय कक बरकफोरा बे हान्जानिनो सुबुं होनना जारिमिनाव मोननाय जायो ।</p> <p>सोलौंथाय-दोहोरोमखान्थि, राव थुनलाइ आरो हारिमु बिथिडाव बर'फोरा जोबोर जौगानाय आरो गोगोमसार । बर'फोरखौ गावनि आसार खान्थि फालिनायाव थोजासे गोनांथि होनाय नुनो मोनो । गावनि माहारिनि थामोनथानि थाखाय बिसोरखौ दासान्दि सिगांनिखुइ बांसिन सांग्रां जाना खामानि मावनाय नुनो मोनो ।</p>	
क		बबे जायगानि बर'फोरखौ 'मेचे' हेननानै मोनथिनाय जायो ? i. सा- सानजा बंग ii. गवालपारा iii. नेपाल	1
ख		कार्बि आलं जिलायाव थानाय बड' हान्जानि दालाय सुबुंहारिया सोर ? i. डिमासा ii. 'मेच' iii. देवरि,	1
ग		जारिमिनाव मुखनाय बांलादेशाव थानाय बर' हान्जानि सुबुं हानजाया सोर ? i. कक बरकफोरा ii. क'च iii. त्रिपुरी	1
घ		सार एडवार्ड गेइटनि बादिब्ला बर'फोरनि गुवार राज्योआ बबेयाव दडमोन ? i. आसाम आरो सा-सोनाब बंगआव	1

		ii. बांलादेशाव iii. नेपाल	
ड		बबे जायगानि बर'फोरखौ 'मेच' हेननानै मोनथिनाय जायो ? i. डिमा हासाव ii. सा- सानजा बंग iii. नेपाल	1

खोन्दो-ख

फोरमायलु सौंथि

Part-B

Descriptive type pen paper test

सौंथि नंम्बर		फोरमायलु सौंथि Descriptive Question	थिखानाय नम्बर (16)
सौंथि नं.	10	गाहायाव होनायफोरनि जायखि जाया मोनब्रे सौंथिनि फिन लिर (25-30 सोदोबनि गेजेराव):	2x4=8
	क.	दाथायनि बिथिनिफ्राय थाइजाखौ मोनबेसे बाहागोआव राननो हायो आरो मा मा?	2
	ख.	गुरुदेब आरो फोरलां बाबाजिनि गेजेराव मा आयदाखौ लानानै दानथे बिदानथे जादोमोन ?	2
	ग.	खुगा थुनलाइ माखौ बुडो ?	2
	घ.	खुगा थुनलाइखौ गाहायै मोनबे सेबाहागोआव राननो हायो आरो मा मा ?	2
	ङ.	गुरुदेब कालिचरण ब्रह्मआ सोरनिफ्राय, माब्ला, मानो ब्रह्म धोरोमखौ आजावादोमोन?	2
	च.	मिसनारिफोरा बर'फोरनि सोमोन्दै लिरलांनाय गांनै बिजाबनि मुं लिर।	2
सौंथि नं.	11	गाहायाव होनायफोरनि जायखि जाया मोननै सौंथिनि फिन लिर-	3x2=6
	क.	खन्थाइगिरिया मोखां सोमहाब सोमहाब बिबार खानायनि बाथ्राजो मा बुंनो नाजादो खन्थायनि हेफाजाबजो फोरमायना लिर ।	3
	ख.	खन्थाइगिरिया गामिनि दैमाजिडाव जिरायनानै गोसोआव मा मोनदांदो?	3
	ग.	खन्थाइगिरिनि मा बेरेखा फावा बबेनिफ्राय बारनलाडाखै?	3
सौंथि नंम्बर		लिरनाय	थिखानाय नम्बर(26)
सौंथि नं.	12	गाहायाव होनायफोरनि जायखि जाया मोननै सौंथिनि फिन लिर-	3x2=6
	क.	नोसोरनि फरायसालियाव जानो गोनां थुनलाइयारि बादायलायनायनि सोमोन्दै फरायसा लोगोफोरनो फोरमायनानै गांसे मिथिसार बिलाइ लिर।	3
	ख.	नोसोरनि फरायसालिनिफ्राय सोलोथायारि दावबायनायाव थांनायनि सोमोन्दै फरायसा लोगोफोरनो फोरमायनानै गांसे मिथिसार बिलाइ लिर।	3

	ग.	नोंसोरनि लोगोनि गामियाव दावबायहैनायनि सोमोन्दै फोरमायनानै लिर।	3
सौथि नं.	13	गाहायाव होनाय खन्थाय खोन्दोखौ बेखेवना लिर- साना जौबला सान्दुं राब्ला- सनाबनि गबराब बारा बारबला, बिबारा रय रय सिरिनांगोन । जौलाय औरैनो थांफिननांगन ॥ एबा गोदो गामिनि नुनाय गोजोन महरा दिनै मानो आय' बबेयाव नोमाखो; अनज्जाय सानज्जाय खौसे रायजो जानाय दा माथो गैथारलिया बबेयाव गोमोरजोबखो ।	5
सौथि नं.	14	नोंसोर खोनानाय एबा फरायनो मोननाय बर'नि दौसे सल' गावनि रावजौ लिर फिन। (मोन 100 सोसोदोबनि गेजेराव) एबा नोंसोरनि जिउनि बबेबा गोसोखांथाव जाथायखौ सरजाबनानै दौसे सल' लिर । (मोन 100 सोसोदोबनि गेजेराव)	5
सौथि नं.	15	फरायसालियाव फरायनाय समनि बबेबा सानसे गोसोखांथाव सानखौ गोसोखानानै सुंद' सानरेब (दाइरि) लिर। (मोन 100 सोसोदोबनि गेजेराव) एबा नो नोंसोरनि लोगोनि गामियाव दावबायहैनायखौ फोरमायनानै सुंद' सानरेब लिर । (मोन 100 सोसोदोबनि गेजेराव)	5
सौथि नं.	16	नोंसोर दासिमाव दावबायनानै मोजां मोननाय जायखि जाया जायगानि सोमोन्दै रोखायै फोरमायनानै लिर। (मोन 100 सोसोदोबनि गेजेराव) एबा नोंसोर फरायसालियाव फरायनाय समाव दावबायहैनायनि सोमोन्दै रोखायै फोरमायनानै लिर । (मोन 100 सोसोदोबनि गेजेराव)	5